

Латвия Республикасының Премьер-Министрі Андрис Берзиньштің Қазақстан Республикасына ресми сапарын дайындау және өткізу туралы

Қазақстан Республикасы Үкіметінің қаулысы 2001 жылғы 29 тамыз N 1119

Қазақстан Республикасы Латвия Республикасы арасындағы екі жақты ынтымақтастықты нығайту әрі Латвия Республикасының Премьер-Министрі Андрис Берзиньштің Қазақстан Республикасына 2001 жылғы 5-7 қыркүйектегі ресми сапарын дайындау және өткізу жөніндегі ұйымдастыру-хаттамалық іс-шараларды қамтамасыз ету мақсатында Қазақстан Республикасының Үкіметі қаулы етеді:

1. Қазақстан Республикасының Сыртқы істер министрлігі:

Латвия Республикасының Премьер-Министрі Андрис Берзиньштің Қазақстан Республикасына 2001 жылғы 5-7 қыркүйектегі ресми сапарын (бұдан әрі - сапар) дайындау және өткізу жөнінде Астана және Алматы қалаларына ұйымдастыру іс-шараларын;

сапарды өткізуге, соның ішінде ресми делегация мүшелерінің тұруына арналған шығыстарды 2001 жылға арналған республикалық бюджетте "Өкілдік шығыстар" бағдарламасы бойынша көзделген қаражат есебінен қаржыландыруды қамтамасыз етсін.

2. Қазақстан Республикасы Президентінің Іс басқармасы (келісім бойынша) Латвия Республикасының ресми делегация мүшелерін орналастыру, оларға қызмет көрсету және көлікпен қамтамасыз ету жөнінде қажетті шараларды қабылдасын.

3. Қазақстан Республикасының Ішкі істер министрлігі ресми делегация мүшелерінің тұратын және баратын орындарда қауіпсіздігін, сондай-ақ жүретін бағыттары бойынша бірге жүруді қамтамасыз етсін.

4. Қазақстан Республикасының Көлік және коммуникациялар министрлігі белгілінген тәртіппен:

Қазақстан Республикасының Қорғаныс министрлігімен бірлесіп Латвия Республикасы Премьер-Министрінің арнайы ұшағының Қазақстан Республикасы аумағының үстінен ұшып өтуін;

Астана және Алматы қалаларының әуежайларында арнайы ұшақтың қонуын, ұшып шығуын, оған техникалық қызмет көрсетуді, тұрақ беруді және жанар май құюды қамтамасыз етсін.

5. Қазақстан Республикасының Мәдениет, ақпарат және қоғамдық келісім министрлігі сапардың бұқаралық ақпарат құралдарында жария етілуін қамтамасыз етсін.

6. Қазақстан Республикасының Экономика және сауда министрлігі

Қазақстан-латвия сауда-экономикалық ынтымақтастық жөніндегі үкіметаралық комиссиясының бірінші мәжілісін Астана қаласында ұйымдастырын.

7. Қазақстан Республикасының Сыртқы істер министрлігі Қазақстан-латвия сауда-экономикалық ынтымақтастық жөніндегі үкіметаралық комиссиясының бірінші мәжілісін өткізуге 2001 жылға арналған республикалық бюджетте "Өкілдік шығыстар" бағдарламасы бойынша көзделген қаражат есебінен Қазақстан Республикасының Экономика және сауда министрлігіне қаражат бөлсін.

8. Астана қаласының әкімі Қазақстан Республикасы Сыртқы істер министрлігінің Инвестициялар жөніндегі комитетімен бірлесіп Қазақстан Республикасының мүдделі мемлекеттік органдары, іскер топтары өкілдерінің және Латвия Республикасы делегациясының құрамында келетін іскер топтар өкілдерінің қатысуымен "дөңгелек үстел" ұйымдастырын.

9. Алматы қаласының әкімі "Қазақстан инвестицияларға жәрдемдесу орталығы" жабық акционерлік қоғамымен (келісім бойынша) бірлесіп:

Қазақстан Республикасының іскер топтары өкілдерінің және Латвия Республикасы делегациясының құрамында келетін іскер топтар өкілдерінің қатысуымен бизнес-форум;

Алматы қаласы әкімінің атынан Латвия Республикасы Премьер-Министрінің құрметіне түстік қонақасы ұйымдастырын.

10. Астана және Алматы қалаларының әкімдері:

Латвия Республикасының ресми делегациясын күтіп алу және шығарып салу, Астана және Алматы қалаларының әуежайлары мен көшелерін безендіру жөніндегі ұйымдастыру іс-шараларының орындалуын қамтамасыз етсін;

Латвия Республикасының іскер топтары үшін Астана және Алматы

қалаларында болған кезде жеке бағдарлама дайындасын.

11. Қазақстан Республикасының Республикалық ұланы (келісім бойынша) Латвия Республикасының Премьер-Министрі Андрис Берзиньшті Астана және Алматы қалаларының әуежайларында күтіп алу және шығарып салу рәсімдеріне қатыссын.

12. Қазақстан Республикасы Президентінің Күзет қызметі (келісім бойынша) Латвия Республикасы ресми делегациясының күзетіletін тұлғаларының қауіпсіздігін қамтамасыз етсін.

13. Осы қаулының іске асырылуын бақылау Қазақстан Республикасының Сыртқы істер министрлігіне жүктелсін.

14. Осы қаулы қол қойылған күнінен бастап қүшіне енеді.

Премьер-Министрі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК